

### 0.0.1 pubbanimittasuttaṃ

1. vuttaṃ hetam bhagavatā. vuttamarahatā'ti me suttaṃ:

2. yadā bhikkhave devo devakāyā cavanadhammo hoti, pañcassa pubbanimittāni pātubhavanti: mālā milāyanti, vatthāni kilissanti, kacchehi sedā muccanti, kāye dubbaṇṇiyaṃ okkamati, sake devo devāsane nābhiramatī'ti.

3. tamenam bhikkhave devā 'cavanadhammo ayaṃ devaputto'ti iti viditvā tīhi vācāhi anumodanti: "ito bho sugatiṃ gaccha. sugatiṃ gantvā suladdhalābhaṃ labha. suladdhalābhaṃ labhitvā suppatiṭṭhito bhavāhīti".

4. evaṃ vutte aññataro bhikkhū bhagavantaṃ eta-davoca: "kinnu kho bhante devānaṃ sugatigamana-saṅkhātāṃ, kiñca bhante devānaṃ suladdhalābhasaṅkhātāṃ, kimpana bhante devānaṃ suppatiṭṭhitasāṅkhātanti?. "

5. "manussattaṃ kho bhikkhu devānaṃ sugatigamana-saṅkhātāṃ yaṃ manussabhūto samāno tathāgatap-pavedite dhammavinaye saddhaṃ paṭilabhati, idaṃ kho pana bhikkhave devānaṃ sujaddhalābhasaṅkhātāṃ. sā kho panassa saddhā nivīṭṭhā hoti mūlajātā

patitṭhitā dalhāasaṃhāriyā samaṇena vā brāhmaṇena  
vā devena vā mārena vā brahmunā vā kena ci vā loka-  
smiṃ. idaṃ kho bhikkhave devānaṃ suppatitṭhitasāṃ-  
khātanti".

6. etamatthaṃ bhagavā avoca. tatthetaṃ iti vuccati:

"yadā devo devakāyā,  
cavati āyusaṅkhayā;  
tayo saddā nīccharanti,  
devānaṃ anumodataṃ:

'ito ho sugatiṃ gaccha,  
manussānaṃ saḥavyataṃ;  
manussabhūto saddhamme,  
labha saddhaṃ anuttaraṃ.

sā te saddhā nivīṭṭhassa,  
mūlajātā patitṭhitā;  
yāvajīvaṃ asaṃhārā,  
saddhamme suppavedite.

kāyaduccaritaṃ hitvā,  
vacīduccaritāni ca;  
manoduccaritaṃ hitvā,  
yañcaññaṃ dosasañhitā.

kāyena kusalaṃ katvā,  
vācāya kusalaṃ bahū;

manasā kusalaṃ katvā,  
appamāṇaṃ nirūpadhiṃ.

tato opadhikaṃ puññaṃ,  
katvā dānena taṃ pahum;  
aññe'pi macce saddhamme,  
brahmacariye nivesaya<sup>1</sup>.

imāya anukampāya,  
devā devaṃ yadā vidū;  
cavantaṃ anumodanti,  
ehi deva punappunanti."

7. ayampi attho vutto bhagavatā. iti me sutanti.

---

<sup>1</sup>nivesaye. sū.